

**Uunga siunnersuut: Radiukkut tv-kkullu aallakaatitsisarneq pillugu Inatsisartut
Inatsisaata
allanngortinneqarnera pillugu Inatsisartut Inatsisaat.
Ilinniartitaanermut, Kultureqarnermut, Timersornermut Ilageeqarnermullu
Naalakkersuisumit saqqummiunneqartoq**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

siunnersuutip pingajussaaneerneqarneranut

TAPILIUSSATUT ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Doris J. Jensen, Siumut, siulittaasoq
 Inatsisartunut ilaasortaq Nivi Olsen, Demokraatit, siulittaasup tullia
 Inatsisartunut ilaasortaq Lars Poulsen, Siumut
 Inatsisartunut ilaasortaq Mariia Simonsen, Inuit Ataqatigiit
 Inatsisartunut ilaasortaq Eqluk Høegh, Inuit Ataqatigiit

UKA2022-mi ulloq 25. oktober aappassaaneerinninnerup kingorna Naleqqap kissaateqarnera malillugu immikkoortoq ataatsimiititaliamut suliareqqitassanngortillugu innersuussutigineqaqqippoq.

Ataatsimiititaliap siunnersummik suliarinninnera

Siunnersuutip aappassaaneerneqarnerani Ataatsimiititaliamut kaammattuutigineqarpoq siunnersuut suliareqqinnejassasoq, tassunga tapiliussamik isumaliutissiisummi sinerissami sumiiffimmi nutaarsiassat qulakkeerneqarnissaat kiisalu assersuutigalugu nalliuuttuni naalagiartitsinerit tv-kkut aallakaatinneqartarnissaannut periarfissat pillugit oqallinnerup ilanngunneqarnissa innersuussutigineqarluni..

Siunnersuutip inersuarmi suliarineqarnerani KNR-imut sinaakkutit pitsangorsarneqartariaqtut, taamaalilluni nutaarsiassaqartitsineq siammassinneusoq qulakkeerneqarniassamat, partiit arlallit uparuaraat ataatsimiititaliap maluginiarpaa. Kiisalu sinaakkutinik qulakkeerinntoqassasoq taamaalilluni KNR aallakaatitassiornermi imarisassanik nutaanik attuumassutilinnillu tunniussisinnaalerniassamat.

Taamaattumik nunat immikkoortuini nutaarsiassiarnerup amigaataanera pillugu partiit arlallit isorinninnerat ataatsimiititaliamit eqqumaffiginiarneqarpoq, kiisalu tamassuma KNR eqornerlukkaa. Tamannali siunnersutip saqqummiunneqartup sinaakkutissaanut attuumassuteqanngilaq. Taamaakkaluartoq oqallinneq pingaarutilittut attuumassuteqartutullu ataatsimiititaliamit isigineqarpoq taamaattumillu naammassinninnissamut isumaqatigiissut nutaaq pillugu isumaqatiginninniarnerit aallartilerpata tamanna Naalakkersuisunit eqqumaffiginiarneqassasoq ataatsimiititaliamit kaammattutigineqarpoq.

Siunnersut akuerineqareerpat KNR-imi naalagiartitsinerit allallu suli aallakaatinneqartassanersut apeqquteqarfigineqarsimasoq ataatsimiititaliamit maluginiarneqarpoq. Siunnersummi aalajangersakkani ataasiakkaani inatsimmut oqaaseqaatini ima allaqqasoqartoq ataatsimiititaliamit paasineqarpoq:

”Tamatuma saniatigut matumani nassuernerit pineqarsinnaapput, taakkulu massakkut naalakkersuinikkut oqallinnermi akulerutsitsiniarnermi aammalu inuiaqatigiinni tunngasunut aalajangersimasunut tunngatillugu isumaqatigiinngitsoqarnerani isummat aalajangersimasut siuarsarniarneqarsinnaapput nersorniarneqarsinnaallutillu.”

Ataatsimiititaliap inassuteqaatai

- Ataatsimiititaliap isumaqatigiittup siunnersut akuerisassanngortippaa
- Ataatsimiititaliap isumaqatigiittup Naalakkersuisunut kaammattutigaa:
 - Tusagassiorfinnut naammassinninnissamut isumaqatigiissut nutaaq pillugu isumaqatiginninniarnerit sinaakkusorsorneqarnerani nunap immikkoortuini siammasissumik nutaarsiassanik, tusagassiorernik allanillu KNR-ip aallakaatitassiornerani siammasissumik suliaqartoqartarnissaa qulakkeerneqassasoq

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut pingajussaaniigassanngortippaa.

Doris Jakobsen Jensen
Siulittaasoq

Nivi Olsen
Siulittaasup tullia

Egaluk Høegh

Lars Poulsen

Mariia Simonsen